

UNIVERZITET U BIHAĆU

telefon/faks: 387 (0) 37 222-022
adresa: Kulina bana 2/2, 77000 Bihać
email: rektorat@unbi.ba



UNIVERSITY OF BIHAĆ

phone/fax: 387 (0) 37 222-022
address: Kulina bana 2/2, 77000 Bihać
email: rekorat@unbi.ba

Upravni odbor

Broj: 01- 2106/2008
Bihać, 10.12. 2008. godine

Izvod iz Zapisnika
sa I (prve) konstituirajuće sjednice Upravnog odbora Univerziteta u Bihaću održane
dana 10.12.2008. godine

Prisutni:

1. Prof. dr. Nijaz Skender, član
2. Doc. dr. Fadil Islamović, član
3. Prof.dr. Vildana Alibabić, član
4. Prof. dr. Osman Ramić, član
5. Doc. dr. Ekrem Pehlić, član
6. Halid Velagić, dipl.pravnik, član
7. Sudad Mahmutović, prof., član
8. Prim. Dr. Suad Gačo, član
9. Mr. Husein Murtić, član
10. Prof. dr. Refik Šahinović, rektor
11. Prof. dr. Mirsad Veladžić, prorektor,
12. Prof. dr. Jusuf Kumalić, prorektor
13. Safet Dedić, prof., ispred Kantonalnog ministarstva obrazovanja
14. Asija Cucak, dipl. pravnik, generalni sekretar

Tok sjednice:

Prof. dr. Nijaz Skender, član Upravnog odbora Univerziteta u Bihaću otvorio je prvu konstituirajuću sjednicu Upravnog odbora Univerziteta koji je imenovan Rješnjem Vlade Unsko-sanskog kantona broj:03-017-1012/2008 od 26.11.2008.

Konstituirajućoj sjednici osim članova upravnog odbora prisustvovao je rektor Univerziteta prof. dr. Refik Šahinović, prof. dr. Mirsad Veladžić, prorektor za razvoj i finansije, prof. dr. Jusuf Kumalić, prorektor za nastavu, Safet Dedić, prof., predstavnik Ministarstva obrazovanja i Asija Cucak, dipl. pravnik, generalni sekretar Univerziteta.

Kako se radi o konstituirajućoj sjednici Upravnog odbora, pojasnio je prisutnim članovima UO da je ovu sjednicu sazvaio u cilju konstituiranja Upravnog odbora, predložio je da se članovima Upravnog odbora obrate danas prisutni rektor, prorektori, predstavnicima resornog ministarstva.

Nakon obraćanja od strane predsjednika Upravnog odbora i menadžmenta Univerziteta u Bihaću uslijedilo je kraće predstavljanje svih članova Upravnog odbora, te je konstatovano da se može krenuti sa prijedlozima za izbor predsjednika Upravnog odbora čijim izborom bi se konstituirao upravni odbor.

Doc. dr. Fadil Islamović, za predsjednika UO Univerziteta predložio je doc. dr. Ekrema Pehlića, što je podržao i gosp. Husein Murtić, drugih prijedloga nije bilo, te se pristupilo izjašnjavanju za dati prijedlog.

Nakon izjašnjavanja svih članova Upravnog odbora za prijedlog doc. dr. Fadila Islamovića sa 8 (osam) glasova ZA i 1 (jedan) suzdržan glas, za predsjednika UO Univerziteta izabran je doc. dr. Ekrem Pehlić.

Doc. dr. Ekrem Pehlić zahvalio je na ukazanom povjerenju, potvrdivši da je Upravni odbor Univerziteta izborom predsjednika konstituiran, te predložio da Upravni odbor nastavi sa radom sa sljedećim prijedlogom dnevnog reda:

1. Izbor zamjenika predsjednika Upravnog odbora
2. Imenovanje vršioca dužnosti rektora Univerziteta
3. Donošenje Odluke o raspisivanju Konkursa za izbor rektora
4. Ostala pitanja.

Prof. dr. Nijaz Skender dao je primjedbu na tačku 1. predloženog dnevnog reda istakavši da je izbor zamjenika suprotan odredbama člana 12. važećeg Poslovnika o radu UO Univerziteta u Bihaću.

Diskusiju po prijedlogu ove tačke uzeli su doc. dr. Ekrem Pehlić, prof. dr. Osman Ramić, mr. Husen Murtić, doc. dr. Fadil Islamović, te su prihvaćene sugestije da se o Poslovniku treba diskutovati te da se ovo pitanje razmatra pod tačkom 4. ostala pitanja.

Uz prihvatanje da se na današnjoj sjednici ne razmatra tačka 1. predloženi dnevni red jednoglasno je usvojen.

Tok sjednice:

Ad1. Imenovanje vršioca dužnosti rektora Univerziteta

Doc. dr. Ekrem Pehlić je istakao da imamo potrebu i mogućnost da izaberemo v.d. rektora shodno odredbama Zakona o valdinim, ministarskim i drugim imenovanjima.

G-din Suad Mahmutović postavio je pitanje da li po odredbama tog zakona prof. dr. Refik Šahinović može biti ponovo izabran.

G-đa A.Cucak, generalni sekretar pojasnila da je ova sjednica sazvana kao konstituirajuća, te da nisu pripremljeni zakoni i normativni akti koje mi posjedujemo i koji bi bili od velike pomoći. Metod nastavka rada Upravnog odbora upućuje na to da bi ovi dokumenti trebali biti konsultovani, a sada se pred članovima nalazi samo poslovnik. Što se tiče iskazane dileme ukazala je na činjenicu postpjanja Zakona o ustanovama koji je donekle u opreci sa pomenutim.

Prof. dr. Nijaz Skender ipak je mišljenja da bi se trebalo dobiti tumačenje zakona.

G-din Suad Mahmutović je izrazio nespremnost za diskutovanje na ovaj način, jer je danas dobio usmeni poziv za sastanak te zbog ozbiljnosti tema o kojima se raspravlja ima smisla da se ne žuri.

Prof. dr. Nijaz Skender pojasnio je da je Rješenje o imenovanju UO Univerziteta zaprimljeno 05.12.2008. godine, te da je sastanak sazvan prvog radnog dana nakon praznika, a da je on bio zadužen samo za sazivanje konstituirajuće sjednice.

Doc. dr. Fadil Islamović konstatirao je da je zabuna nastala iz razloga što Vlada USK-a u svojem rješenju o konačnom imenovanju nije nominirala predsjednika Upravnog odbora, te da niko nije mogao više u smislu priprema za ovaj sastanak uraditi.

G-din Suad Mahmutović predložio je da se ova sjednica odgodi za sedam dana.

G-dim Halid Velagić pitao je da li postoji Statut Univerziteta i da li je on usklađen sa Zakonom o vladinim, ministarskim i drugim imenovanjima u FBiH. Isto tako iznio je stav da se mora upoznati sa propisima radi kvalitetnijeg odlučivanja.

Doc. dr. Ekrem Pehlić zatražio je da se za iduću sjednicu pripreme svi zakoni iz oblasti visokog obrazovanja i normativna akta Univerziteta i podijele članovima Upravnog odbora. Predložio je da se za vršioca dužnosti rektora izabere prof.dr. Isak Karabegović. Iznio je mišljenje da nema zakonskih prepreka za izbor v.d. rektora a kao primjer navodi izbor v.d. dekana na Biotehničkom fakultetu gdje je Ministarstvo obrazovanja USK-a nije imalo primjedbu na procedure provedene od strane UO.

Prof. dr. Nijaz Skender se složio da se može ići u proceduru izbora, ali da je iz diskusija vidljivo da kolegama treba vremena da malo izuče normativna akta. Zato je predložio da se ova sjednica odloži za sutra.

Nakon završetka diskusija prišlo se glasanju, da se za v.d. rektora izabere prof. dr. Isak Karabegović, na osnovu kojeg je ponuđeni prijedlog dobio podršku sa 7 (sedam) glasova ZA uz dva suzdržana glasa (prof.dr. Nijaz Skender i g-din Suad Mahmutović).

Ad.2. Donošenje Odluke o raspisivanju Konkursa za izbor rektora

Doc. dr. Fadil Islamović smatra da je principijelno bolje sačekati kod raspisivanja ovog konkursa zbog potencionalnog očitovanja Skupštine USK-a u vezi usvajanja kantonalnog Zakona o visokom obrazovanju. Doc. dr. Fadil Islamović izrazio je dilemu oko ovog izbora zbog eventualnog donošenja novog Zakona o Univerzitetu.

G-đa Asija Cucak pojasnila je prisutnima da u vezi sa raspisivanjem konkursa za izbor rektora Kantonalno ministarstvo obrazovanja, nauke, kulture i sporta je dalo mišljenje da se pri raspisivanju konkursa primjenjuje Zakon o Univerzitetu u Bihaću i Zakon o vladinim, ministarskim i drugim imenovanjima. Potvrdila je da je kantonalni Zakon o visokom obrazovanju u Skupštinskoj proceduri usvajanja, te ima odredaba zakona koje na drugačiji način reguliraju ovo pitanje (trajanje mandata rektora, procedure izbora...)

Doc. dr. Ekrem Pehlić predložio je da se danas donese Odluka o raspisivanju Konkursa za izbor rektora a koji će se raspisati u skladu sa važećim zakonskim propisima.

Nakon toga jednoglasno je do nesena Odluka o raspisivanju konkursa za izbor rektora Univerziteta u Bihaću.

Ad.3. Ostala pitanja.

Obzirom na primjedbe koje su date na Poslovnik o radu, usvojen je zaključak kojim se utvrđuje potreba da se izvrše izmjene i dopune Poslovnika o radu Upravnog odbora Univerziteta u Bihaću broj:01-490/04 od 17.05.2004. godine.

Prijedlog izmjena i dopuna Poslovnika članovi Upravnog odbora dostavit će stručnoj službi Univerziteta.

Prof. dr. Nijaz Skender konstatirao je da je ovo prvi put da se rektor Univerziteta bira akklamacijom, a ne tajnim glasanjem.

Doc. dr. Ekrem Pehlić istakao je da ista primjedba nema značaja na donesenu odluku i zaključio je današnju sjednicu.

Zapisnik sačinila
Asija Cucak, dipl. pravnik

Predsjednik Upravnog odbora
doc.dr. Ekrem Pehlić